



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/13-11-6248/24  
Sarajevo, 10.09.2024.godine

Na osnovu Plana održive urbane mobilnosti Kantona Sarajevo (SUMP), broj: 01-GV-02-1292/20 od 30.12.2020.godine, usvojenog na 45. sjednici Gradskog vijeća Grada Sarajeva, a u svrhu implementacije mjera iz istog, gradonačelnica Grada Sarajeva raspisuje:

## **JAVNI POZIV**

za izražavanje interesa za poslovne subjekte za učešće u procesu subvencioniranja kupovine bicikala za građane grada Sarajeva

Pozivaju se svi zainteresovani poslovni subjekti koji ispunjavaju uslove iz ovog Poziva, da podnesu prijavu za učešće u procesu subvencioniranja kupovine bicikala za građane grada Sarajeva, kako slijedi:

### **I PREDMET JAVNOG POZIVA**

Predmet Javnog poziva je učešće u procesu subvencioniranja kupovine bicikala za građane grada Sarajeva za sva pravna lica koja u okviru svojih djelatnosti imaju prodaju i distribuciju bicikala (sve vrste bicikala i za sve uzraste).

### **II SVRHA DODJELE SUBVENCIIJA**

Grad Sarajevo u svrhu implementacije mjera iz Plana održive urbane mobilnosti (SUMP) provodi aktivnosti subvencioniranja kupovine bicikala za građane Sarajeva. Subvencija za kupovinu bicikala je mjera koju provodi Grad Sarajevo kako bi podstakao građane da koriste bicikla kao održivu alternativu za prevoz, te na taj način doveo do smanjenja emisija štetnih gasova. Ova vrsta subvencije ima za cilj olakšati troškove kupovine bicikala, čineći biciklizam pristupačnijim i atraktivnijim građanima Sarajeva.

### **III PRAVO UČEŠĆA I KRITERIJI ZA IZBOR POSLOVNIH SUBJEKATA**

Pravo na prijavu na Javni poziv ostvaruju sva pravna lica registrovana u Bosni i Hercegovini, na području Federacije BiH, te sa prodajnim mjestima registrovanim na području grada Sarajeva, koja u okviru svojih djelatnosti imaju distribuciju i/ili prodaju bicikala.

### **IV SREDSTVA PREDVIĐENA ZA DODJELU**

**Adresa:** Hamdije Kreševljakovića 3  
71 000 Sarajevo  
**Tel.:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Sredstva predviđena za ovu namjenu nalaze se u budžetu Grada Sarajeva za 2024. godinu, na budžetskoj stavci Implementacija mjera iz Plana održive urbane mobilnosti KS i Grada Sarajevo 613 900 u iznosu od 10.000,00 KM.

## **V TRAJANJE JAVNOG POZIVA**

Javni poziv je otvoren od dana objave na web stranici Grada Sarajeva, do srijede, 18.09.2024. godine.

## **VI KANDIDOVANJE PO JAVNOM POZIVU**

Sva pravna lica koja se prijave na ovaj Javni poziv, izražavaju interes za učešće u procesu subvencioniranja kupovine bicikala za građane grada Sarajeva, te će se naći na listi pravnih subjekata sa koje će zainteresovani građani moći birati mjesto ostvarivanja prava na subvenciju. To konkretno znači da će građani ostvariti pravo kupovine bicikla po povlaštenim uslovima, kod izabranog poslovnog subjekta, koji će cijenu bicikla umanjiti za 100,00 KM (cijena vaučera), a Grad Sarajevo će za realizovane vaučere isplatiti prijavljenom poslovnom subjektu sumu u ukupnom iznosu subvencioniranih vaučera.

Za zainteresirane subjekte, proces ostvarivanja prava na subvencioniranje prati sljedeći redoslijed:

1. Grad Sarajevo objavljuje Javni poziv za izražavanje interesa za učešće u procesu subvencioniranja kupovine bicikala za građane grada Sarajeva;
2. Nakon isteka roka trajanja Javnog poziva, utvrđuje se lista poslovnih subjekata koji su izrazili interes za učešće u procesu subvencioniranja;
3. Grad Sarajevo objavljuje informaciju/saopćenje građanima za prijavu za subvencioniranje kupovine bicikala u iznosu od 100,00 KM;
4. Tokom procesa prijave građani biraju sa liste prijavljenih poslovnih subjekata poslovnog subjekta kod kojeg će izvršiti kupovinu predmetnog bicikla u minimalnom iznosu od 100,00 KM;
5. Objava preliminarne liste građana koji su ostvarili pravo na subvenciju u iznosu od 100,00 KM za kupovinu bicikala;
6. Građani kod izabranog poslovnog subjekta vrše kupovinu bicikla po izboru sa umanjenim iznosom od 100,00 KM;
7. Grad Sarajevo zaključuje ugovor s odabranim poslovnim subjektima u iznosu koji odgovara broju ostvarenih vaučera za subvenciju.

## VII SADRŽAJ PRIJAVE

Svi poslovni subjekti koji izraze interes za učešće u procesu subvencioniranja kupovine bicikala za građane grada Sarajeva, uz potpisanu i ovjerenu prijavu na Javni poziv od strane odgovornog lica, dužni su dostaviti:

- Rješenje o registraciji - Aktuelni izvod iz sudskog registra (kopija);
- Uvjerenje o poreznoj registraciji - ID broj (kopija);
- Pismenu izjavu o garantovanju da cijene bicikala neće biti povećane u toku trajanja kampanje (Prilog I).

## VIII NAČIN PODNOŠENJA PRIJAVE

Prijavom na Javni poziv, poslovni subjekti su saglasni da Grad Sarajevo može prikupljati, koristiti i dalje obrađivati podatke u svrhu provođenja Javnog poziva.

Javni poziv se objavljuje na web stranici Grada Sarajevo.

Prijave na Javni poziv zainteresovani pravni subjekti mogu dostaviti najkasnije do 18.09.2024. godine, a od dana objavljivanja ovog poziva na web stranici Grada, putem e maila: [nermina.suljevic@sarajevo.ba](mailto:nermina.suljevic@sarajevo.ba) i/ili [lejla.beslagic@sarajevo.ba](mailto:lejla.beslagic@sarajevo.ba) ili lično na protokol Grada Sarajeva, na adresu:

**Grad Sarajevo  
Ćemaluša br. 9  
71000 Sarajevo  
Prijava na JAVNI POZIV**

za izražavanje interesa za poslovne subjekte za učešće u procesu subvencioniranja kupovine bicikala za građane grada Sarajeva

Neblagovremene, nepotpune i neuredne prijave neće se razmatrati.

Sve dodatne informacije mogu se dobiti u Gradskoj službi za održivi razvoj, putem telefona: 033 407 964.

Gradonačelnica Grada Sarajeva će sa zainteresovanim poslovnim subjektima zaključiti pojedinačne ugovore o realizaciji odobrenih sredstava koja odgovaraju broju ostvarenih vaučera za subvenciju.

Lista zainteresovanih poslovnih subjekata objavit će se na službenoj web stranici Grada Sarajeva: [www.sarajevo.ba](http://www.sarajevo.ba).

**GRADONAČELNICA**

**Prof. dr. Benjamina Karić, s.r.**

